

中國地方志集成

浙江府縣志輯④④

民國台州府志(一)

江蘇古籍出版社 ● 上海書店 ● 巴蜀書社

中國地方志集成
浙江府縣志輯④④

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二五七元

責任編輯

盧建幸
王海浩

封面設計 范一辛

1993年6月第1版 1993年6月第1次印刷
ISBN7-80569-855-4/K·150

沪新登字119号

續修台州府志序

台州有志始於宋陳司業耆卿名嘉定赤城志由漢至宋嘉定凡一千五百三十年為四十卷明謝文肅鐸輯為赤城新志始嘉定甲午迄宏治丙辰凡二百六十二年為二十三卷至康熙癸亥馮侍郎鼐再修迄壬寅知府張聯元踵成之距宏治又二百三十年為十八卷道光緒甲午趙太守亮熙議修府志開局不久中輟迄今始獲告成計自康熙壬寅至今又二百十五年為一百四十卷蓋台州府志第四次成書之一日也編竣待梓光力任剞劂之役讀之乃重有感吾台居浙東南跨海為郡台山高萬八千丈方駕五嶽卓為浙東勝地而聲明文物吾屈氏實開其先三國時孫和傳太子和廢尚書屈晃等連日詣闕固諫不止以忠義著稱於時逮於兩宋人才最盛二徐以儒宗著康肅以直節稱南湖以學派傳清獻以相業顯康敏以耿介終後先彪炳更僕難數至孝亭使節南來台士聞風興起著籍者衆俊又如林宋景濂所謂晦翁傳道江南而台特盛世稱小鄒魯者是也有明方正學為一代大儒然如葉兌葉伯巨之忠鯁陶宗儀之著述曾銑之經濟陳函輝之殉節皆不可一世三百年來台士如齊召南馮魁洪若皋李誠戚學標黃濟等最為知名然文學有餘而德業動名尚未光顯光不敏竊嘗有志於斯維歲長浙所故萬端旋受代去未償夙願今覽斯編睹前賢之遺蹟慨近代之不競時懷續緒起衰之志昔明莆田周瑛序赤城論諫錄云台為州萬山中羣賢多能立光明俊偉事業以驚動人世他郡莫之或先光三復斯言彌為忼忼心動竊願與同鄉諸君子追蹤曩哲武步古人畢先賢之事業益發揮而光大之於以上追小鄒魯之盛而進待來哲於無窮焉則區區之願也民國二十五年丙子嘉平月臨海風映光序

台州府志卷首

序

上海游民智識所承印

台州府志一百四十卷總目

卷首	台州府圖	仙居	黃巖	天台	太平	縣圖	姓氏	例言	續例言
卷一	弁言一卷								
卷二	畧度表一卷								
卷三	沿革表一卷								
卷四	戶口表一卷								
卷五	土田表一卷								
卷六之八	賦稅表三卷								
卷九之二十	職官表十二卷								
卷二十一之二十三	選舉表十卷								
卷三十一之三十三	恩澤表三卷								
卷三十四之三十六	人物表三卷								
卷三十七之三十八	列女表一卷								
卷三十九	疆域略一卷								
卷四十之四十七	山水略八卷								
卷四十八之四十九	水利略二卷								
卷五十之五十三	建置略四卷								
卷五十四之五十五	祠祀略二卷								
卷五十六之五十七	學校略二卷								
卷五十八之五十九	武備略二卷								
卷六十之六十一	風俗略二卷								
卷六十二之六十三	物產略二卷								
卷六十四之八十四	藝文略二十一卷								
卷八十五之九十三	金石攷九卷								
卷九十四之九十五	古蹟略二卷								
卷九十六之九十八	名宦錄三卷								

台州府志卷首

總目

上海游民智識所承印

卷九十九

萬寶錄一卷

卷百之百二十五

人物傳二十六卷

卷百二十六之三十一

列女傳六卷

卷百三十二之三十一

大事記五卷

卷百三十七之三十八

雜事記二卷

卷百三十九之四十

方外記二卷

台州府志


卷首



編目

二


上海華夏書局影印

圖方里十二府州台







天台縣城圖




仙居縣城圖
仙居縣志



甯海縣城圖



太平縣城圖



台州府志卷首姓氏

纂修姓氏

主修

花翎道銜調署台州府知府處州府知府

三品銜浙江補用道署台州府知府

提調

台州府學訓導

總纂

三品銜軍機處章京記名御史工部營繕司員外郎

舉人

協纂

刑部主事

分纂

台州府志卷首

姓氏

上海華英書局影印

宣黃 趙亮熙
侯官 郭式昌

慈谿 俞榮

黃巖 王彥威
黃巖 王丹瑞

臨海 何奏虎

瑞安 章獻猷

臨海 葉書

黃巖 毛宗澄

天台 張廷霖

寧海 章棧

黃巖 管世駿

方來

陳熙曙

胡邦翰

繪圖

虞膳生

採訪

附生

劉春熙

俞澍棠

拔貢生

廩貢生

附貢生

續修姓氏

總纂

前翰林院編修

繪圖

前翰林院檢討

協纂

拔貢生陝西乾州知州

廩貢生

歲貢生

拔貢生

金文田

褚傳誥

齊毓川

黃巖 喻長輝

寧海 章授

黃巖 柯勝威

天台 褚傳誥

黃巖 項詠

天台 陳立樹

黃巖 梁虞度

黃巖 沈見谷

台州府志卷首

姓氏

上海華英書局影印

光緒台州府志例言

議修之始意欲繼謝氏赤城新志別爲三志始自宏治丁巳迄於今上之末事紀此三百九十九年之事前志所略者則爲補遺一門所誤者則爲辨疑一門猶之文肅繼嘉定志爲新志之意也而議者以爲謝氏新志記述簡略概爲補遺未大於本其他門類亦宜增損今擬溯從最初不復斷代其本於嘉定舊志宏治新志康熙府志者一皆注明存廢舊觀不掠前美庶免杜氏解左竟掩子慎之名小顏注班時竊游秦之義

方志分門諸家各異折中輒簡得宜頗難地志之存於今者以宋朱伯原吳郡圖經續記爲最古然城邑門名區爲二類南園圖經別爲一門子目較繁破碎可議至聚叔子淳熙三山志分列九門山川附於寺觀人物僅載姓名并省失倫貽誤有識今擬略仿史例括以總凡斟酌諸家稍分子目有圖有考有表有傳有記府境縣境府治縣治水道營汛則擬爲圖與地建置賦役祠祀學校武備藝文金石則擬爲政職官選舉則擬爲表名官地實列女則擬爲傳大事風土古蹟雜事則擬爲記沿革疆域形勝山水則與地攸之子目也城池官署公所鄉保市鎮坊巷則建置攸之子目也戶口土田賦額雜稅倉儲鹽法衛役則賦役攸之子目也秩祀私祀則

台州府志 卷首

例言

上海書局影印

祠祀攸之子目也學制書院義塾則學校攸之子目也營制兵額汛防墩臺驛鋪則武備攸之子目也藝文以四部分編金石亦二目並列大事之記仿乎史遷而災祥時政寇變皆入焉風土之記本乎周處而土習民風方言俱括焉名國故宅寺觀家墓載諸古蹟之中遺文軼事雖

陳蹟記錄於雜事之節上酌舊志之成規旁參實齊之新議

輿圖之學古有專家周禮士訓掌地圖以詔地事鄭君注云道說也說地圖形勢山川所宜以施政事也此圖說之所自始也州郡之志舊稱圖經以圖爲重李吉甫元和郡縣志分四十七鎮每鎮皆有圖今志存而圖佚不可攷矣近代方志卷首有圖然不標經緯不開方里大率疏陋未足爲規嘉定陳志有圖十三宏治謝志有圖十五康熙張志有圖十七然於計里開方之法缺焉不講案首司空表秀作禹貢地域圖其體有六一日分率二日準望三日道里四日高下五日方表六日迂直其法頗備我朝時人輩出測量益密圖學愈精此次纂修府境擬爲二十里方圖每縣全境擬爲十里方圖府治縣治擬爲一里方圖各系以說指掌可明至於標題名勝點綴山川藻繪雖工無裨實用雅存實齊詳矣如前志所列天台東湖諸圖皆可從略焉

山川之志莫古於禹貢山經而桑經鄭注尤爲雅贍有法鄉先正齊侍郎之水道提綱李州判

之萬山綱目隱用其例條貫秩然方志中若宋高似孫之刻錄其紋山水亦用鄭亭法也今擬山則以巨幹爲綱水則以經流爲總條脈絡分其源流遺法桑鄭之例近取齊李之編藉茲成規非苟立異

藝文一志粗自孟堅義本劉略後之作者分部稍殊而大例不違方志藝文每載成篇不列書目殊乖義例范石湖吳郡志附詩文於各條下不別立門舊志隱與之同最爲有法文肅新志別爲典籍一門專載書目可謂善矣然不別部居莫明家法今擬略仿崇文總目書錄解題四庫提要朱氏經義攷之例節錄序文揭其大旨兼注存佚庶可檢稽

梁元帝錄碑刻之文爲碑英一百二十卷是爲金石專書之肇祖歐趙有作其學遂盛方志之載金石則朱氏吳郡圖經續記有碑碣一門是北宋以來已有此例矣然伯原續記不錄全文元徐碩作至元嘉禾志於三國六朝以逮南宋石刻之文盡行甄錄多至十一卷則亦太繁明沈朝宣嘉靖仁和志祇載碑目或議其簡今擬參酌二例凡鐘彝古刻則摩其文加以攷證至宋以來碑碣文字既采其事以作列傳復錄其文以入總集金石志中止載其目略爲之攷以

台州府志 卷首

例言

上海書局影印

免複繁

職官有表例本班書後之方志間用其法嘉定舊志職官分爲五門而以歷代郡守爲一表本朝郡守爲一表通判添差通判爲一表教授爲一表各縣令爲一表義例秩然最爲有法謝張兩志皆不立表今擬郡守爲一表郡之屬官隸焉諸縣令各爲一表縣之屬官隸焉武職別爲一表篇首考其官制表中詳其年月姓氏之下略注鄉貫廬墓沿革經緯分明上法史漢之道規略勝唐宋之繁記

選舉一門各志體例不甚相同壽老舊志不立專門統括於人物之任達中頗爲非法謝張二志亦多未善今擬稍變題名之記略同史表之法取士之典制科目之沿革歷代各殊略攷於首一如職官表之例封贈賢郎亦別爲表然人數大夥義宜謹嚴今擬知縣以上以會分省者爲斷佐貳武職以會履任者爲斷

古之地志罕及人物至樂史寰宇記而始詳後之方志遂仍其例然亦略分爲二一則不別品類以時爲編一則各爲標題分門而次攷各史通例凡一代卓著之人必爲專傳至於儒林文苑諸傳者則一家之學專門之藝概列傳而稍次者也今擬竊取其義凡先正中有道德功

業文章不僅以一長見者則爲專傳其餘則分爲儒林文學忠義孝友官業遺逸一行方技高賢諸門隨其人而入焉

列女有傳始於更生范氏後書實用其例後世史家遂成定則而壽老舊志僅載節婦一人何其略也謝志張志稍稍詳矣夫婦人之行節烈爲難而孝淑賢明亦未可忽故中壘之傳分乎七篇附宗之書不專一操蓋列乃列傳之謂非專節烈之謂也而舊志獨詳於此餘皆從略似尙未親劉范本旨今擬分賢孝貞烈二門而殿以名媛庶柏貞烈烈烈同備各標彤史之輝並協內宰之教

班氏古今人表所以補史遺之所遺補紀傳之不足其法甚善昔儒不知妄加詬病近世通人始識其義故馬氏作釋史章氏撰方志開用其例此次纂志於名官邦賢列女之顯著者既爲之傳至於姓字僅存事績未著概爲作傳寥寥略不文竟事刪除恐就沒節婦一門人數尤多事實亦尅拉雜以書殊乖義例今擬依年代區別六邑分列爲表庶幾包括而靡遺不至雜揉而無敘

子長史記合左傳國語策世本楚漢春秋以成書孟堅之書孝武以前仍用通史蓋史貴徵

台州府志

卷首

三

上海圖書館藏

實勢難斷壁虛造成文可用無事更張方志之體何獨不然但古人闕疏不必標明近世謹嚴須注出處明史初稿及阮文達國史儒林文苑傳稿其體皆然今擬竊用其例一增注明不獨引用舊志爲然也

裴世期注三國志博引羣籍參攷異同溫公作通鑑別自爲攷異一書而胡身之爲音注取其文散入各條之下其後李潛作通鑑長編李心傳作建炎以來繫年要錄皆本溫公之例附列各條之下而謝氏赤城新志亦有攷異一卷今擬通舊志之異說諸家之殊譚皆爲攷訂折衷一是附諸每條之下以明去取之義

宋孔延之之會稽掇英集董彥之之嚴陵集袁說友之成都文類鄭虎臣之吳郡文粹皆萃一方之詩文爲部州之總集故章實齊方志立三書議亦當仿文選文苑之體而作文徵吾台之總集則莫先於李庚之天台集而林氏師咸及子表民皆前後增修顧其書僅載詩而未及文至表民爲赤城續志別輯詩文爲赤城集而其體始備其後謝文肅爲新志亦別輯後集用林氏例也今擬繼林謝之後別爲三集而補其所遺惟林謝二書但采有闕吾台者而不分郡人與他郡之人今擬以他邦之題贈爲外編而以郡人之論著爲內編庶幾眉目之一清而與方志

相表裏

吾台古稱荒域僻處海濱三代之時人物無聞漢晉以來間有表見迨至趙宋眞儒始興南渡以還賢賢彰彰宋景濂氏言晦翁傳道江南台爲特盛蓋心折也由元迄明淵源未泯正士名臣尙相接踵近二百年風流漸歇繼起無人深可太息此次續輯志乘意欲廣搜文獻極意表章寧過於詳不敢因陋願與鄉邦同志共揚先正之風鄭魯舊稱莫復當時之盛纂修方志自古爲難范石湖吳郡之書王濟之姑蘇之志康德函之記武功韓汝慶之撰朝邑皆稱名作亦被譏彈吾台之志自康熙以來未遑續纂遺書零落文獻難徵蒙以非材謬膺斯任撫膺滋歎執簡懷慚伏願有道君子同志諸公時畀舊聞匡其不逮衆擎難舉清芬以啟遠繼陳謝之道編得備梓桑之掌故

州府志

卷首

四

上海圖書館藏

庶乃富教台民既庶而富教未興誰司民牧且暮期之矣述戶口表第四

台地多山僧寮所居卑佔腴田民生未殖趙宋台爲輔郡與也勃焉舊志黃太壤地沙斥厥田下下今則變爲上腴可見地力關乎人事孟子三寶首重土地而極言民事之不可緩有志君子以覽焉志士田表第五

歷代取民舊無定制自康熙定制永不加賦普天率土咸隸耕稼追庚子賠款分攤各省編氓負擔始重近則頭會鉅數歲積日增自古仁政首薄稅斂減賦則興加賦則衰苛賦則亡古今一轍無待著龜此有國有家者之炯鑒也志賦稅表第六

國家設官以爲民也自捐例開而官途益雜近則政以賄成稅權雜糅一郡職官三屏不足滿隅而賢良絕鮮爲怪天下之不治耶茲備列之爲後世鑑曰某也賈某也佞某也廉某也貪嗚呼淖水陳院題名錄之言可不懼哉志職官表第七

漢唐以來選舉途廣近世專重科目第轍殊隘夫得人之道在公與明科目考試至公而未必明故尙收拔十得五之效近乃因噎廢食竟停考試襲泰西之影竊係離之似魚目混珠濫竽滿目而先王掄才之大典掃地盡矣志選舉表第八

台州府志

卷一

升

上海圖書館藏

恩澤一途乃國家酬忠之職典而徵倖之弊每承之吾台由難隆起家者時有所聞而冒濫日多近乃變本加厲僞替姦諂不知恥茲削其泰甚餘或過而存之名器之濫於斯爲極而國運之頹隨之矣志恩澤表第九

人物列女已入列傳茲更表而出之傳分名臣儒林官業忠義孝友文苑隱逸一行方伎列女十類忠義孝友文苑隱逸自漢始官業自唐始名臣儒林自宋始列女自隋始而人才宋明爲盛有志君子覽前賢之遺蹟觀山川之雄偉可以開風而興起矣志人物表列女表第十

疆域析併名稱遷改前後不常至明成化析置太平而一郡六縣始定舊志頗詳惟提封道里四境正隅前志不同今殊於昔茲略有訂證不敢蹈常志疆域略第十一

吾台海陸氣象萬千台山高萬八千丈扶輿淑清方駕五嶽雁宕括蒼昆連綿互名勝甲東南而海棧長數百里魚鹽盛給於物繁多負山表海決決乎大風也載其餘支分派別港嶼紛雜皆關形勝不厭臚陳志山水略第十二

水利一道大者與利次則因利又次防患與利重開源因利重疏濬然水不爲利即變爲患故防患亦不可不亟講也吾台水陸交錯與水利是最要之一端而因利防患亦何可緩夫水利

不修此通國之病不獨吾台爲然此可爲長太息也志水利略第十三

城池坊市近於體國鄉都橋梁近於經野舊志詳略不齊近世交通日開郵傳創立軍部郵航路吾台亦次第成立事關利民雖舊志所無亦建置之要不可得而闕也志建置略第十四

國之大事在祀與戎先王報本追遠擇其有功德於民者而馨香尸祝之所以崇有德而有功故曰大事後世濡祀日多鄉曲陋氓媚請求福雜祠星列而祀典淆矣茲於正祀外別列雜祠括之神道設教去泰去甚姑附於有舉莫廢之義云爾志祠祀略第十五

學校所以造士明人倫自科舉制行因以帖括厭弊滋多然綱常禮教名義猶存自廢科舉改學堂羣言淆亂弊乃益甚亡國多制誤盡蒼生聖人復起亟待變通茲事體大匪寥寥數語所能賅之也志學校略第十六

武備所以靖內患防外寇台郡襟山帶海水陸均易伏莽內患甚於外寇治本之道在改良風俗以清盜源然內患外寇弊常相因自古將強則卒勇官良則盜熄明威南塘蒞浙東而台郡靖同治間劉太守台州而六邑清其明效也今備舉列代營制變遷及防海之制別爲上下篇志武備略第十七

台州府志

卷一

升

上海圖書館藏

吾台風俗近於剛勁其失也粗獷長於勤儉其失也鄙吝粗獷之積乃成野蠻鄙吝不已乃觀非分於是乎牙孽患思而崔特不培夫苟保其剛勁勤儉之美質而去其粗獷鄙吝之陋習則吾台小節魯之風見矣雖至今存可也嗚呼是在良有司與邦人君子亟圖齊魯之一變耳志風俗略第十八

台郡六邑天仙多山餘縣皆兼面海山珍海錯頗饒物產擅而充之講求而作新之不難變瘠壤爲膏腴今乃仰屋思食故步自封坐令府海官山之利揮臂失之不龜手之藥不免於泔泔統思之有深痛焉志物產略第十九

文字者先聖賢之菁華魁儒碩士精神之所凝結大者關係千古其次關一代其次關一國一鄉吾台雖離爾而人文疊興遺書見四庫者百有餘部其他貽炙人口及吉光片羽之留傳皆吾台之精華魁儒碩士精神之所凝結也故詳著之志藝文略第二十

金石之學至近代而極盛乾嘉以後鴻編巨著炳炳烺烺吾郡黃瑞台州金石錄搜羅頗富然遺漏尚多茲備錄之爲後世好古者資攷證焉志金石略第二十一

雲之史零殘碎錦頗憾遺漏之多志古蹟略第二十二

吾台設郡以來官吏紛若繭絲而鄉度獨以司戶著稱今郡城東有戶曹巷猶有廟在是則賈吏雖多而以官名地與台山同不朽者獨鄉司戶一人信乎官不在大足以愧後世之高車駟馬而碌碌無聞者矣述名宦錄第二十三

人生於世太倉粟米其細已甚而賈人君子獨見重於世匪獨所居之地馨香俎豆即蹤跡所到而人驚其德而善良俾民久而非忘傳云國人之思召公愛其甘棠以人重也故有道之士耕釣所留亦千古焉志寓賢錄第二十四

台郡山海雄奇士多磊落挺拔往往異材特起無待而興後先接踵項領相望而閭閻亦盛俗鮮滄風三台風俗之厚而先賢流風遺澤之長班班可考奮乎百世繼起何人是在台人之自樹立耳志人物傳第二十五

大事記略仿史記將相名臣年表及通鑑稽古錄吾郡齊次風列代帝王年表皆其例也近世方志率遵其體吾台舊志詳略不同茲編因之而漏略不免俟後世君子訂正焉志大事記第二十六

台州府志

卷一

井書

四

上海游民智勸所承印

雜事與大事記略殊一雖非大事而記實不可遺一拾其緒餘所以補大事之缺一麟一爪述之津津然有餘味焉間或無瑕近不雅馴不賢志小過而存之可也志雜事記第二十七

台山爲仙佛之窟劉阮采藥爲後世言神仙者所宗魏晉以來代多高僧嗣後徒衆徧天下號天台宗則吾台釋氏之盛可知也故並記之志方外記第二十八

台地彈丸然崛起之士代有聞人歷代正史有傳者共八十人而宋明爲盛宋十八人明五十二人則台山發育通耀日進之明效大驗也考四庫著錄之書吾台共百十有四部採擇之多亦頗足爲台山生色茲將正史有傳及四庫著錄者彙於後俾來者知所感發興起吾於桑梓有無窮之望也

敘述既竟愴然有感繫余生長窮鄉踰居畎畝七歲而孤見聞單淺弱冠游庠飢驅四方年近強仕始獲一第還時不遇浮沉下位十餘年既不獲稍行其志猶思著書立說以垂方來願志抗力卑往昔歲時生平纂著已成者僅惺惺說文注合輯漢儒學案清儒學案古今中外交涉考古今四裔沿革等書其餘如七經注彙纂說文注合輯漢儒學案清儒學案古今中外交涉考古今四裔沿革攷兩浙文徵草創俱未成書近世途萬變蒿目時艱慨然著中華富教自強策亦未殺青昔母

舅王舍人子莊師好學不倦著書七百餘卷如柔橋文鈔台學統黃殿縣志青田縣志永嘉縣志仙居縣志太平縣志九峯山志柔橋宗譜等已刊行余少從師游見其終日勤劬手不釋卷今已卓然成家爲台人百餘年來之後勁余乃少年既偶壯歲抱關養齡適世所如輒阻而隔九播屯蝸居蜷屈俯仰身世萬端交集元黃易位神州陸沈聽鶴來歌鶴鳴毀室老大窮愁何以自立我思古人不禁撫卷太息爲之喑啞流涕腸九轉而廢書三歎也長靈謹記

台州府志

卷一

井書

五

上海游民智勸所承印

台州見正史者八十人列傳四十六人附傳三十四人

任旭

項斯

郭琮

陳駸

周敦孫

陶宗儀

盧原賈

寧魯穆

黃孔昭

吳時來

函輝

台州遺書四庫著錄五十部存目六十四部共一百十四部

台州府志卷一

唐一部

寒山子詩集二卷附豐干拾得詩一卷

宋二十七部

張伯端悟真篇註疏三卷附直指詳說一卷

陳駢南宋館閣錄十卷續錄十卷

陳駢文則二卷

吳芾湖山集十卷

石塾中庸輯略二卷

謝伋四六談塵一卷

陳書卿嘉定赤城志四十卷

陳書卿寶窗集十卷

李庚林表民天台前集三卷前集別編一卷續集三卷續集別編六卷

林表民赤城集十八卷

吳子良荆溪林下偶談四卷

謝采伯密齋筆記五卷續記一卷

胡太初畫簾緒論一卷

戴復古石屏集六卷

戴復古石屏詞一卷

車駭內外服制通釋七卷

杜範清獻集二十卷

陳仁玉南譜一卷

陳詠全芳備祖前集二十七卷後集三十一卷

葛紹體東山詩選二卷

車若水脚氣集二卷

董楷周易傳義附錄十四卷

戴禺東野農歌集五卷

台州府志卷一

桑世昌蘭亭考十二卷

舒岳祥圓風集十二卷

胡三省資治通鑑音訓二百九十四卷

胡三省資治通鑑釋文辨誤十二卷

元八部

陳基夷白齋稿三十五卷外集一卷

黃庚月屋漫稿一卷

陳孚觀光稿一卷交州稿一卷玉堂稿一卷附鈔一卷

陳應潤周易爻變義疏四卷

丁復檉亭集九卷

陳椿熬波圖一卷

賴良大雅集八卷

劉仁本羽庭集六卷

明十二部

陶宗儀說郛一百二十卷
陶宗儀輟耕錄三十卷
陶宗儀書史會要九卷補遺一卷續編一卷
陶宗儀古刻叢鈔一卷
陶宗儀南村詩集四卷
王叔英靜學文集一卷
朱右白雲稿五卷
項鼎孝經述注一卷
方孝孺遜志齋集二十四卷
徐一夔明倫彙編五十三卷
徐一夔始豐稿十四卷
陳還小學集注六卷

台州府志卷一

升官附錄

三

上海圖書館藏

國朝二部

馮應漢次二卷
齊召南水道提綱二十八卷
右四庫著錄書共五十部
唐一部
王松年仙苑編珠三卷
宋七部
陳貽範鄧陽遺事錄一卷
陳克東南防守利便三卷
戴復古石屏新語二卷
吳子良吳氏詩話二卷
吳子良木齋雜鈔二卷
方岳深雪偶談一卷

潘耒待清軒遺稿二卷
元三部

陳孚安南執事詩一卷
陶凱寧君政蹟書二卷
無名氏天台山志一卷
明四十三部

江都人傳考

明四十三部

陶宗儀國風彙經一卷
陶宗儀草莽私乘一卷
陶宗儀漁浪棹歌一卷
徐一夔藝圃蒐奇十八卷補闕二卷
林右林公輔集三卷
方孝孺雜說一卷
徐善述尚書直指六卷

台州府志卷二

升官附錄

四

上海圖書館藏

范理讀史備忘八卷
章厥書經撮要四卷
謝鐸赤城新志二十三卷
謝鐸赤城論諫錄十卷
謝鐸伊洛淵源續錄六卷
謝鐸桃谿淨稿八十四卷
王弼尊鄉錄節要四卷
夏鍬赤城集二十三卷
王啓赤城會通記二十卷
盧涪古黃遺蹟集一卷
金貞亨白學源流七卷
陳器石居漫興稿二卷
李讓崇安縣志四卷